

ARTICULUS I.

Utrum B. Maria fuerit virgo in concipiendo?

1. Ad tertium sic proceditur. Videtur quod mater Dei non fuerit virgo in concipiendo Christum. Nulla enim proles, quæ habet patrem et matrem, ex virginie matre concipitur. Sed Christus non solum dicitur habere matrem, sed etiam patrem; dicitur enim *Luc. 2:* Erant pater ejus et mater mirantes super his quæ dicebantur de illo; et infra eadem mater dicit: Ecce enim pater tuus et ego, dolentes, quærebamus te. Ergo Christus non est conceptus ex virginie matre.

2. Præterea, *Matt. 1:*, probatur quod Christus fuerit filius Abrahæ et David, per hoc quod Joseph ex David descendit. Quæ quidem probatio nulla esset, si Joseph pater Christi non fuisset. Ergo videtur quod mater Christi eum ex semine Joseph conceperit, et ita non videtur fuisse virgo in concipiendo.

3. Præterea, *Galat. 4* dicitur: Misit Deus filium suum factum ex muliere. Mulier autem, consueto modo loquendi, dicitur quæ est virgo cognita; ergo Christus non fuit conceptus ex virginie matre.

4. Præterea, eorum, quæ sunt ejusdem speciei, est idem modus generationis, quia generatio recipit speciem a termino, sicut et cæteri motus; sed Christus fuit ejusdem speciei cum aliis hominibus, secundum illud *Phil. 2:* In similitudinem hominum factus, et habitu inventus ut homo. Cum ergo alii homines generentur ex commixtione maris et feminæ, videtur quod etiam Christus simili modo fuerit generatus, et ita non videtur fuisse conceptus ex virginie matre.

5. Præterea, quælibet forma naturalis habet materiam sibi determinatam extra quam esse non potest. Materia autem formæ humanæ videtur esse semen maris et feminæ. Si ergo corpus Christi non fuerit conceptum ex semine maris et feminæ, non vere fuit corpus humaanum, quod est inconveniens; videtur igitur non fuisse conceptus ex virginie matre.

Sed contra est quod dicitur *Isaie 7:* Ecce virgo concipiet.

Respondeo dicendum, quod simpliciter contendit est matrem Christi virginem concepisse; contrarium enim pertinet ad hæresim *Hebionitarum et Cherinthi*, qui Christum pu-

¹ 4 con., cap. 45. Et opusc. 2, cap. 225. Et opusc. 60, c. 4.

rum hominem arbitrabantur, et de utroque sexu eum natum putaverunt¹. Quod enim Christus sit conceptus ex virginie, conveniens est propter quatuor. Primo, propter mittentis Patris dignitatem conservandam; cum enim Christus sit verus et naturalis Dei Filius, non fuit conveniens quod alium patrem haberet quam Deum, ne dignitas Dei Patris transferretur ad alium. Secundo, hoc fuit conveniens proprietati ipsius Filii, qui mittitur, qui quidem est Verbum Dei; Verbum autem mabsque omni corruptione cordis concipitur; quinimo cordis corruptio perfecti Verbi conceptionem non patitur. Quia ergo caro sic fuit a Verbo Dei assumpta, ut esset caro Verbi Dei, conveniens fuit quod etiam ipsa sine corruptione matris conciperetur. Tertio, hoc fuit conveniens dignitati humanitatis Christi, in qua locum peccatum habere non debuit, per quam peccatum mundi tollebatur, secundum illud *Joann. 1:* Ecce Agnus Dei (scilicet innocens) qui tollit peccatum mundi; non poterat autem esse quod in natura jam corrupta ex concubitu caro nasceretur sine infectione originalis peccati. Unde Augustinus dicit, in lib. 1 de Nuptiis et concupiscentia², fuit generationum series usque ad Joseph perducenda, ne in illo conjugio virili sexui, utique potiori, steret injuria, cum veritati nihil deperiret, quia ex semine David et Joseph erat, et Maria.

Ad tertium dicendum, quod sicut *Gloss.* dicit ibidem³, mulierem pro femina posuit, more locutionis *Hebraeorum*; usus enim *Hebraæ* locutionis mulieres dicit, non virginitate corruptas, sed feminas.

Ad quartum dicendum, quod ratio illa habet locum in his quæ procedunt in esse per viam naturæ; eo quod natura sicut est determinata ad unum effectum, ita etiam est determinata ad unum modum producendi illum. Sed virtus supernaturalis divina cum sit infinita, sicut non est determinata ad unum effectum, ita non est determinata ad modum producendi quæcumque effectum. Et ideo sicut virtute divina fieri potuit ut primus homo de limo terræ formaretur, ita etiam fieri potuit ut divina virtute corpus Christi formaretur de Virgine absque virili semine.

Ad quintum dicendum, quod secundum *Philosophum*, in lib. 1 de Generatione animalium⁵, semen maris non est sicut materia in conceptione animalis, sed solum sicut agens; sola autem femina materiam subministrat conceptui.

Lib. 1 de Nuptiis et conc. c. 11, parum a princ., tom. 7.

² Cap. 12, in princ., t. 7.

³ Cap. 6, ante med., tom. 6.

⁴ Lib. 1 in *Luc. 8*, secundum ejus ordinem, a med., tom. 2.

Bono conjugali¹: Eo modo pater Christi dicitur Joseph, quo et vir Marie intelligitur, sine commixtione carnis, ipsa copulatione conjugii, multo ridelicet conjunctius, quam si esset aliunde adoptatus. Neque enim propterea non erat appellandus Joseph pater Christi, quia non eum generat concubendo; quandoquidem pater esset etiam ei quem, non ex sua conjugi procreatum, aliunde adoptasset.

Ad secundum dicendum, quod sicut *Hieronym.* dicit super *Matt. 2*, cum Joseph non sit pater Domini Salvatoris, ordo generationis ejus usque ad Joseph deducitur, primo quidem, quia non est consuetudinis Scripturarum, ut mulierum in generationibus ordo texatur. Deinde ex una tribu fuit Joseph et Maria, unde et ex lege eam accipere cogebatur ut propinquam. Et ut *Augustinus* dicit, in lib. 1 de Nuptiis et concupiscentia³, fuit generationum series usque ad Joseph perducenda, ne in illo conjugio virili sexui, utique potiori, steret injuria, cum veritati nihil deperiret, quia ex semine David et Joseph erat, et Maria.

Ad tertium dicendum, quod sicut *Gloss.* dicit ibidem⁴, mulierem pro femina posuit, more locutionis *Hebraeorum*; usus enim *Hebraæ* locutionis mulieres dicit, non virginitate corruptas, sed feminas.

Ad quartum dicendum, quod ratio illa habet locum in his quæ procedunt in esse per viam naturæ; eo quod natura sicut est determinata ad unum effectum, ita etiam est determinata ad unum modum producendi illum. Sed virtus supernaturalis divina cum sit infinita, sicut non est determinata ad unum effectum, ita non est determinata ad modum producendi quæcumque effectum. Et ideo sicut virtute divina fieri potuit ut primus homo de limo terræ formaretur, ita etiam fieri potuit ut divina virtute corpus Christi formaretur de Virgine absque virili semine.

Ad quintum dicendum, quod secundum *Philosophum*, in lib. 1 de Generatione animalium⁵, semen maris non est sicut materia in conceptione animalis, sed solum sicut agens; sola autem femina materiam subministrat conceptui.

Lib. 1 de Nuptiis et conc. c. 11, parum a princ., tom. 7.

² Cap. 1, super illud: Christi generatio sic erat, tom. 9.

³ Cap. 11, non longe a fin., tom. 7.

⁴ Est Aug., lib. 23 contra Faustum, c. 7, in medio, tom. 6.

⁵ C. 2, et 19, tom. 4.

Unde per hoc quod semen maris deficit in conceptione corporis Christi, non sequitur quod defuerit ei debita materia. Si tamen semen maris esset materia fœtus concepti in animalibus, manifestum est quod non est materia permanens in eadem forma, sed materia transmutata. Et quamvis virtus naturalis non possit transmutare ad certam formam, nisi determinatam materiam, virtus tamen divina, quæ est infinita, potest transmutare omnem materiam in quamcunque formam. Unde sicut transmutavit limum terræ in corpus Adæ, ita in corpus Christi transmutare potuit materiam a matre ministratam, etiamsi non esset sufficiens materia ad naturalem conceptionem.

ARTICULUS II.

Utrum mater Dei fuerit virgo in partu?

1. Ad secundum sic proceditur. Videtur quod mater Christi non fuerit virgo in partu. Dicit enim *Ambrosius* super *Lucam 2*: Qui vulvam sanctificavit alienam, ut nasceretur Propheta, hic est qui aperuit matris sue vulvam, ut immaculatus exiret. Sed apertio vulvæ virginitatem excludit; ergo mater Christi non fuit virgo in partu.

2. Præterea, nihil in mysterio Christi esse debuit, per quod corpus ejus phantasticum appareret. Sed hoc non videtur vero corpori, sed phantastico convenire, ut possit per clausa transire, eo quod duo corpora simul esse non possunt. Non igitur debuit ex matris utero clauso corpus Christi prodire, et ita non debuit quod esset virgo in partu.

3. Præterea, sicut *Gregorius* dicit in homil. Octavarum Paschæ³, per hoc quod januis clausis ad discipulos post resurrectionem intravit Dominus, ostendit corpus suum esse ejusdem naturæ, et alterius gloriae. Et sic per clausa transire, videtur ad gloriam corporis pertinere. Sed corpus Christi in sua conceptione non fuit gloriosum, sed passibile, habens similitudinem carnis peccati, ut *Apostolus* dicit *Rom. 8*. Non ergo exivit per Virginis uterum clausum.

Sed contra est, quod in quodam sermone *Ephesini Concilii* dicitur: Natura post partum nescit ulterius virginem; gratia vero, et

¹ Opusc. 2, c. 315.

² L. 2, in *Luc.*, cap. cuius tit. est: *De circum. salvatoris.*

³ Est hom. 26 in *Evang.*, paulo a princ.

parientem ostendit, et matrem fecit, et virginitati non nocuit. Fuit ergo mater Christi virgo in partu.

Respondeo dicendum, quod absque omni dubio asserendum est, matrem Christi etiam in partu virginem fuisse. Nam Prophetæ non solum dicit: Ecce Virgo concipiet; sed etiam addit: Et pariet filium. Et hoc quidem conveniens fuit propter tria. Primo quidem, quia hoc competit proprietati ejus qui nascebatur, qui est Verbum Dei. Nam Verbum non solum in corde absque corruptione concipitur, sed etiam absque corruptione ex corde procedit. Unde, ut ostenderetur quod illud esset corpus ipsius Verbi Dei, conveniens fuit ut de incorrupto Virginis utero nasceretur. Unde in sermone quodam Ephesini Concilii legitur: Quæ parit carnem puram, a virginitate cessat; sed quia natum est in carne Verbum, Deus custodit virginitatem, seipsum ostendens per hoc Verbum. Neque enim nostrum verbum cum paritur, corrumpit mentem; neque Deus Verbum, substantiale partum eligens permit virginitatem. Secundo, hoc est conveniens quantum ad effectum incarnationis Christi. Nam ad hoc venit, ut nostram corruptionem tolleret. Unde non fuit conveniens ut virginitatem matris nascendo corrumperet. Unde Augustinus dicit in quodam sermone de Nativitate Domini¹: Fas non erat ut per ejus adventum violaretur integritas, qui venerat sanare corrupta. Tertio, fuit conveniens ne matris honorem nascendo diminueret, qui parentes præceperat honorandos.

Ad primum ergo dicendum, quod Ambrosius dicit hoc, exponens illud, quod Evangelista de lege induxit: Omne masculinum adaperiens vulvam, sanctum Domino vocabitur. Quod quidem, ut Beda dicit², consuetæ naticitatis more loquitur; non quod Dominus sacri ventris hospitium, quod ingressus sanctificaverat, egressus devirginasse credendus sit. Unde illa adaptione non significat reservationem communem claustræ pudoris virginei, sed solum exitum prolis de utero matris.

Ad secundum dicendum, quod ita Christus voluit veritatem sui corporis demonstrare, quod etiam simul ejus divinitas declararetur; et ideo permiscuit mira humilibus. Unde ut corpus ejus verum ostenderetur, nascitur ex feminâ; sed ut ostenderetur ejus deitas, nascitur ex Virgine; talis enim partus decet Deum,

¹ In serm. 6, a med., t. 4.

² Lib. 4 in Luc., c. 7, secundum ejus ordinem, tom. 2.

ut Ambrosius dicit in hymno Nativitatis³.

Ad tertium dicendum, quod quidam dixerunt, Christum in sua naticitate dotem subtilitatis assumpsisse, sicut quando ambulavit siccis pedibus super mare, dicunt eum assumpsisse dotem agilitatis; sed hoc non convenit his quæ supra determinata sunt⁴; hujusmodi enim dotes corporis gloriæ proveniunt ex redundantia gloriae animæ ad corpus, ut infra dicetur, cum tractabitur de corporibus gloriæ⁵. Dictum est autem supra⁶, quod Christus ante passionem permittebat carnî sue agere, et pati quæ propria; nec siebat talis redundantia gloriae ab anima ad corpus. Et ideo dicendum est, quod omnia ista facta sunt miraculose per virtutem divinam. Unde Augustinus dicit super Joan.⁷: Moli corporis, ubi divinitas erat, ostia clausa non obstiterunt: ille quippe non eis apertis intrare potuit, quo nascente virginitas matris inviolata permanuit. Et Dion. dicit in quadam Epistola⁸, quod Christus super hominem operabatur ea quæ sunt hominis, et hoc monstrat Virgo supernaturaliter concipiens, et aqua instabilis, terrenorum pedum sustinens gravitatem.

ARTICULUS III.

Utrum mater Dei permanerit virgo post partum⁹

4. Ad tertium sic proceditur. Videtur quod mater Christi non permanerit virgo post partum. Dicitur enim Matth. 1: Antequam convenirent Joseph et Maria, inventa est in utero habens de Spiritu Sancto. Non autem Evangelista diceret: Antequam convenient, nisi de convenientis; quia nemo dicit de non pransuro: Antequam pranderet. Ergo videtur quod B. Virgo quandoque convenerit carnali copula cum Joseph, et ita non permanerit virgo post partum.

2. Præterea, ibidem subditur ex verbis Angeli loquentis ad Joseph: Noli timere accipere Mariam conjugem tuam. Conjugium autem

¹ In hymn. qui canitur in vesperis Natalis Domini.

² Q. 44.

³ Non complevit

⁴ Q. 14, art. 1, ad 2.

⁵ Tract. 421, a med., tom. 9.

⁶ Ad Caium monac., incipit: Quæris tu quidem.

⁷ Opusc. 2, cap. 225.

consummatur per carnalem copulam. Ergo videtur quod quandoque carnalis copula intervenierit inter Mariam et Joseph, et ita videtur quod non permanerit virgo post partum.

2. Præterea, ibidem post pauca subditur: Et accepit conjugem suam, et non cognoscebat eam, donec peperit filium suum primogenitum. Hoc autem adverbium, donec, consuevit determinatum tempus signare, quo impleto fiat id quod usque ad illud tempus non fiebat; verbum autem cognoscendi ibi ad coitum refertur, sicut et Gen. 4 dicitur, quod Adam cognovit uxorem suam. Ergo videtur, quod post partum B. Virgo fuerit carnaliter a Joseph cognita; ergo videtur quod non permanerit virgo post partum.

4. Præterea, primogenitus non potest dici, nisi qui habet fratres subsequentes? unde et Rom. 3 dicitur: Quos prescivit, et prædestinavit conformes fieri imaginis Filii sui, ut sit ipse primogenitus in multis fratribus. Sed Evangelista nominat Christum primogenitum matris ejus. Ergo habuit alios filios post Christum; et ita videtur quod mater Christi non manserit virgo post partum.

3. Præterea, Joan. 2 dicitur: Post hæc descendit Capharnaum ipse, scilicet Christus, et mater ejus, et fratres ejus. Sed fratres dicuntur qui ex eodem parente geniti sunt. Ergo videtur quod B. Virgo habuerit alios filios post Christum.

6. Præterea, Matth. 27 dicitur: Erant ibi, scilicet iuxta crucem Christi, mulieres multæ a longe, quæ secutæ erant Jesum a Galilæa, ministrantes ei; inter quas erat Maria Magdalena, et Maria Jacobi et Joseph mater, et mater filiorum Zebedæi. Videtur autem hæc Maria, quæ hic dicitur Jacobi et Joseph mater, esse etiam mater Christi; dicitur enim Joan. 19, quod stabat iuxta crucem Jesu Maria mater ejus. Ergo videtur quod mater Christi non manserit virgo post partum.

Sed contra est quod dicitur Ezech. 44: Porta hæc clausa erit, et non aperietur, et vir non transibit per eam, quoniam Dominus Deus Israel ingressus est per eam. Quod exponens Augustinus in quodam sermone¹⁰ dicit: Quid est porta in domo Domini clausa, nisi quod Maria semper erit intacta? Et quid est: Homo non transibit per eam, nisi quod Joseph non cognoscet eam? Et quid est: Dominus solus intrat, et egreditur per eam, nisi quod Spiritus

¹ In serm. 14 de Natali Domini, qui est 18 de Temp., non longe a princip., tom. 10.

Sanctus imprægnavit eam, et Angelorum Dominus nasceretur per eam? Et quid est: Clausa erit in æternum? nisi quod Maria virgo est ante partum, et virgo in partu, et virgo post partum?

Respondeo dicendum, quod absque omni dubio detestandus est error Helvidii, qui dicere presumpsit, matrem Christi post partum a Josephesse carnaliter cognitam, et alios filios genuisse. Hoc enim primo derogat Christi perfectioni, qui, sicut secundum divinam naturam unigenitus est Patris, tanquam perfectus per omnia Filius ejus, ita decuit ut esset unigenitus matris tanquam perfectissimum germen ejus. Secundo, hic error injuriam facit Spiritui Sancto, cuius sacrarium fuit uterus virginalis, in quo carnem Christi formavit, unde non decebat, quod de cetero violaretur per commixtionem virilem. Tertio, derogat dignitati et sanctitati matris Dei, quæ ingratissima videbatur, si tanto filio contenta non esset, et si virginitatem, quæ in ea miraculose conservata fuerat, sponte perdere vellet per carnis concubitum. Quarto, etiam ipsi Joseph esset ad maximam præsumptionem imputandum, si eam, quam reuelante Angelo, de Spiritu Sancto Deum concepisse cogoverat, polluere attentaret. Et ideo simpliciter est asserendum, quod mater Dei sicut virgo concepit, et virgo peperit, ita etiam et virgo post partum in sempiternum permansit.

Ad primum ergo dicendum, quod (sicut Hieronymus dicit in l. contra Helvidium¹¹) intelligendum est, quod hæc præpositio, ante, licet sæpe consequentia indicet, tamen nonnunquam ea tantum quæ prius cogitabantur, ostendit; nec necesse est ut cogitata fiant, cum ideo aliud intervenerit, ne ea, quæ cogitata sunt, fierent. Sicut si aliquis dicat: Antequam in portu pranderem, navigari, non intelligitur, quod in portu prandeat postquam navigaverit; sed quia cogitabatur in portu pransurus. Et similiter Evangelista dicit: Antequam convenient, iuventa est in utero habens de Spiritu Sancto, non quia postea conrenerint; sed dum ridenter convenerint, prævenit conceptio per Spiritum Sanctum, ex quo factum est ut ultius non convenient.

Ad secundum dicendum, quod sicut Augustinus dicit in l. 1 de Nup. et concupiscentia¹²: Conjux Joseph vocatur mater Dei ex prima des-

¹ Tit. hujus lib. est de perpetua virginitate Mariæ, non procul a princip. lib., tom. 3.

² Cap. 44, non longe a prin., t. 7.

ponsationis fide, quam per concubitum non cognoverat, nec fuerat cognitus. Ut enim Ambrosius dicit super Lucam¹: Non virginitalis ereptio, sed conjugii testificatio et nuptiarum celebratio declaratur.

Ad tertium dicendum, quod quidam dixerunt, hoc non esse intelligendum de cognitione coitus, sed de cognitione notitiae. Dicit enim Chrys.², quod non cognovit eam Joseph antequam pareret, cuius fuerit dignitatis, sed postquam peperit, tunc cognovit eam, quia per ipsius prolem speciosior et dignior facta fuerat quam totus mundus; quia quem totus mundus capere non poterat, in angusto cubiculo uteri sui sola suscepit. Quidam vero hoc referunt ad notitiam visus; sicut enim Moysi cum Deo colloquientis gloriificata est facies, ut non possent intendere in eum filii Israel, sic Maria, claritate virtutis Altissimi obumbrata, cognosci non poterat a Joseph, donec pareret; post partum autem a Joseph agnita invenitur specie faciei, non tactu libidinis. Hieronymus autem³ concedit hoc esse intelligendum de cognitione coitus; sed dicit quod, usque, vel, donec, in Scripturis duplicitate potest intelligi. Quandoque enim designat certum tempus, secundum illud Galat. 3: Propter transgressionem lex posita est, donec veniret semen, cui promiserat. Quandoque vero signat infinitum tempus, secundum illud Psal. 413: Oculi nostri ad Dominum Deum nostrum, donec misereatur nostri; ex quo non est intelligendum, quod post impetratam oculi avertantur a Deo. Et secundum hunc modum loquendi significantur ea, de quibus posset dubitari, si scripta non fuissent; cetera vero nostrae intelligentiae derelinquuntur. Et secundum hoc Evangelista dicit matrem Dei non esse cognitam a viro usque ad partum, ut multo magis intelligamus cognitam non fuisse post partum.

Ad quartum dicendum, quod mos divinarum Scripturarum est, ut primogenitum vocent non solum eum, quem fratres sequuntur, sed eum qui primus natus sit. Alioquin si non est primogenitus, nisi quem sequuntur fratres, tandem secundum legem primogenita non debentur, quamdiu et alia non fuerint procreata. Quod patet esse falsum, cum intra unum mensem primogenita redimi mandentur secundum legem.

¹ Lib. 2, in Lue., c. 1, a med., tom. 5.

² Hom. 4 in Matth., in oper. imp., super illud: Et non cognovit, eam donec, tom. 2.

³ In fin. Comment. ad 1 c. Matth., tom. 9.

Ad quintum dicendum, quod quidam, sicut Hieronymus dicit super Matth.¹, fratres Domini de alia uxore Joseph filios suspicantur. Nos autem fratres Domini, non filios Joseph, sed consobrinos Salvatoris, Mariæ materteræ Domini filios intelligimus. Quatuor enim modis in Scripturis fratres dicuntur, scilicet, natura, gente, cognatione et affectu. Unde fratres Domini dicti sunt, non secundum naturam, quasi ab eadem matre nati, sed secundum cognationem quasi consanguinei ejus existentes. Joseph autem, sicut Hieronymus dicit contra Elvidium², magis credendus est virgo permansisse, quia aliam uxorem habuisse non scribitur, et fornicatio in sanctum virum non cadit.

Ad sextum dicendum, quod Maria, quæ dicitur Jacobi et Joseph mater, non intelligitur esse mater Domini, quæ in Evangelio non conseruit nominari, nisi cum cognominatione hujus dignitatis, quod sit mater Jesu. Hæc autem Maria esse intelligitur uxor Alphæi, cuius filius est Jacobus Minor, qui dictus est frater Domini.

COMMENTARIUS.

Hi articuli in sequenti disputatione explicabuntur. Nihil enim circa litteram D. Thom. dicendum occurrit, præter ea quæ de re ipsa tractanda erunt.

DISPUTATIO V,

In quatuor sectiones distributa.

DE INTEGRITATE SEU CORPORALI VIRGINITATE DEIPARÆ.

Post tractatum de Conceptione et sanctificatione B. Virginis, convenienti ordine dicendum sequitur de statu, seu ratione vivendi, quem in hac vita elegit, vel ad quem potius electa est. Quod in hac et sequenti questione effecisse videtur D. Thom., de statu matrimonii et virginitatis ejus disputans, simul parans viam ad tractandum de conceptione filii, ad quam hæc aliquo modo ordinata sunt. Quia vero virginitas, et perfectior, et prior est matrimonio, ideo prius etiam de illa disputatione occurrit. In qua duo distinguenda sunt: alterum, quasi materiale, quod in cor-

¹ Circa finem comment. ad 12 cap. Matth., tom. 9.

² In ult. fol. ante fin. lib., tom. 3.

DISPUTAT. V. SECT. I.

poris integritate consistit absque ulla experientia ibidnis, ex commissione, aut voluntaria seminis resolutione provenientis; alterum est veluti formale, quod est propositum servandi virginitatem, et predictam libidinem nunquam experiendi. De priori parte hic agimus, dicturi de altera in disputatione sequenti.

SECTIO I.

Utrum B. Virgo, Christum concepido, virginitatem seu corporis integritatem amiserit.

1. *Locus in templo Salomonis dicatus virginibus.* — Hæc quæstio supponit imprimis B. Virginem vere ac realiter concepisse Christum Deum hominem in utero suo. Quod ex principio supra posito, quo ipsam veram Dei et Christi matrem esse ostendimus, aperte sequitur, et inferius latius discutiendum est. Secundo suppono, B. Mariam usque ad conceptionem filii virginem permansisse, quod est de fide certum, ex verbis illis Luc. 1: *Missus est Gabriel Angelus ad Virginem despensatam viro.* Ex quo constat fuisse virginem cum tradita fuit Joseph in sponsam. Quod ex principio supra posito probari potest, scilicet, quia nunquam peccavit; et ex iis quæ Patres docent de vita genere quod B. Virgo ante matrimonium instituit; tertio enim ætatis anno in templum oblata est, ibique undecim annis inter virgines vixit; erat enim in templo (ut Cedreus in Compendio hist. refert) secretus locus, aræ vicinus, in quo virgines solæ versari solebant, inter quas Deipara usque ad matrimonium mansit, et angelicam potius quam humanam vitam egit, ut Ambr., lib. 1 et 2 de Virginibus, late disserit; Gregor. Nyss., orat. de Ortu Salvatoris; et Gregor. Nicomediensis., orat. de Oblatione Virginis in templo; Damasc., lib. 4, cap. 15; Andreas Cretensis., et alii supra citati. De qua re iterum inferioris redibit sermo. Quod autem, postquam desponsata est Joseph, usque ad Angeli adventum virgo permanserit, ex citationis verbis Angeli evidenter constat.

2. His positis, heretici quidam dixerunt Virginem concepisse Christum ex Joseph, atque ita in conceptione virginitatem amisisse. Ita dixerunt Ebionitæ, ut Clemens refert, lib. 6 Constit., c. 6, ubi hos Judæos fuisse significat; nam (ut Epiphanius refert, heres. trigesima), Moysi legem observabant, ubi eundem errorem illis tribuit, quamvis addat, in iis, quæ de Christo docuerunt, varios et inconstantes

fuisse. Quæ fuit fortasse causa, ut Iren., lib. 1, c. 26, de istis tractans, hunc tacuerit errorem, dicens, Ebionem non similiter ac Cherrington de Christo sensisse; unde c. 25, Cherrington et Carpocratem auctores facit hujus erroris. Quod sensit etiam Tertul., lib. de Præscrip. heretic., capite quadragesimo octavo, et lib. de Carne Christi, capit. 18, et lib. de Velandis virg., c. 6; Euseb., lib. 3 Hist., c. 21; Epiph., hær. 27 et 26; Aug., Damasc., et Isidor., in Catalogis hæresum; Theodor., lib. 2 Hæret. fabul.; et Niceph., lib. 3 Hist., c. 3, qui duo postremi Ebionem, alios praecessisse significant. Quod parum refert, constat enim hos hæreticos æquales fere fuisse. Hunc errorem secutus est postea Theodosius, ut constat ex Epiph., hær. 54. Fundamentum ejus fere nullum est, ut videbimus.

3. *Virginitas Mariæ in Scripturis manifeste significata.* — Dicendum est ergo primo, B. Virginem non ex viri semine, sed sola Spiritus Sancti virtute et operatione Christum Dominum concepisse. Est articulus fidei. Et probatur primo ex Evangelio Matth. 1: *Inuenta est habens de Spiritu Sancto;* et infra: *Quod in ea natum est, de Spiritu S. est;* et infra: *Et non cognoscet eam, donec peperit filium suum primogenitum;* et Luc. 1: *Spiritus Sanctus superveniet in te, et virtus Altissimi obumbrabit tibi.* Quod testimonium Ariani quidam male interpretantes, ut Augustinus refert, lib. 3 contra Maxim., c. 47, *Spiritum Sanctum, et virtutem Altissimi, tanquam duo diversa distinguebant, aiebantque Spiritum Sanctum dispositus materiam mundando et sanctificando Virginem, virtutem autem Altissimi, id est, divinam sapientiam, formas Christi corpus;* quæ expositio, quamvis praesenti intentioni nihil obstet, et in aliquo sensu sit probabilis (ut videbimus inferioris, q. 32, art. 1), tamen in sensu ab illo hæretico intento, scilicet, ut opera Trinitatis divideret, et Spiritum Sanctum negaret Christi corpus fabricasse, hæretica est, quia et ex errore circa mysterium Trinitatis procedit, et testimonio Matthei repugnat.

4. Secundo, probatur conclusio ex Veteri Testamento, in quo locus illustrior est ille Isai. 7: *Ecce Virgo concipiet, quem in sequenti sectione fusius tractabimus; nunc aliis uteatur minus quidem apertis, ad veritatem tamen confirmandam sufficientibus, adjuncta præsertim Patrum expositione.* Primus sit Gen. 3, ubi Christus dicitur *semen mulieris,* nulla viri